

REFERAT MIA - Meeqqanut Ilaqutariinnullu Ataatsimiititaq d. 09-09-2021

Mødedato Torsdag d. 09. september 2021 kl. 18:00

Mødested Kommunalbestyrelsip ataatsimiittarfiani

Indholdsfortegnelse

Saqqaa.....	3
Oqaluuserisassat akuerineqarnerat.....	4
Nalunaarutit.....	5
Kommuneqarfik Sermersuumi illoqarfinni Pitsaaliuinnermut Ataatsimiititat atuuffii pillugit ilisimatit	6
Nuummi allaffissornikkut tunngavissap nutarternera.....	9
Tasiilami Pitsaaliuinnermik Ataatsimiititamut 2021-mi iliuusissatut pilersaarut.....	12
Nuummi inuusuttut pinerluttartut pillugit suliniutit iliuusissallu allattorsimaffiat.....	15
Lukket.....	18
Lukket.....	19
Lukket.....	20
Lukket.....	21
Lukket.....	22
Taasariaqartut allat.....	23
Imaqarniliap akuerineqarnera.....	24

Punkt .: Saqqaa

Ilaasortat:

Avaara S. Olsen (IA) Siulittaasoq

Naya-Sophia Lyberth (IA)

Juaaka Lyberth (IA)

Harald Bianco (IA)

Laura Táunâjik Uitsatikitseqs (S)

Peqataasinnaanani nalunaartoq:

Mia Skifte Lynge (IA)

Beslutning

Peqataasut: Avaaraq S. Olsen (IA) Naya-Sophia Lyberth (IA) Harald Bianco (IA)

Oqarasuaatikkut: Harald Bianco (IA) Laura Taunâjik Uitsatikitseq (S)

Mia Skifte Lyngemut (IA) sinniisoq: Juaaka Lyberth (IA)

Punkt .: Oqaluserisassat akuerineqarnerat

Beslutning

Oqaluserisassat akuersissutigineqarput.

Punkt .: Nalunaarutit

- 2a. Siulittaasumit nalunaarutit
- 2b. Ingerlatsivimmit nalunaarutit

Beslutning

- 2a. Soqanngilaq

2b. Meeqqanut Ilaqutariinnullu Ingerlatsivimmut pisortatut atorfirmik inuttassarsiuineq sapaatiuppat 12/9-2021 naassaaq.

Punkt 1: Kommuneqarfik Sermersuumi illoqarfinni Pitsaaliuinermut Ataatsimiititat atuuffii pillugit ilisimatitsissut

Beslutning

Ilisimatitsissut tusaatissatut tiguneqarpoq.

Bilag

Nuummi Pitsaaliuinermut Ataatsimiititamut 2021-mut iliuusissatut pilersaarut

Tasiilami Pitsaaliuinermut Ataatsimiititaaq Iliuusissatut pilersaarut 2020



Kommuneqarfik Sermersuumi illoqarfinni Pitsaaliuineranut Ataatsimiititat atuuffii pillugit ilisimatitsissut

Ilisimatitsissut

SagsID.: EMN-2021-13753

Meeqqanut Ilaqutariinnullu Ingerlatsivik - pisortaq Martha Lund Olsen / MLOL

Inassuteqaat

Meeqqanut Ilaqutariinnullu Ingerlatsiviup Meeqqanut Ilaqutariinnullu Ataatsimiititamut inassuteqaatigaa:

- ataatsimiititamit apeqquteqaammut ingerlatsivimmit akissutigineqartoq tusaatissatut tiguneqassasoq

Suliassamik saqqummiussineq

Aggustip ulluisa tallimaanni ataatsimiititap ataatsimiinneranit imaqarniliami allassimavoq: *"Aalajangerneq saqqummiussa: Inassuteqaat akuersissutigineqarpoq, imatut oqaaseqaatitaqarluni: Pitsaaliuinermik Ataatsimiititap sulineranut tunngatillugu Meeqqanut Ilaqutariinnullu Ataatsimiititap malinnaanissaanut periarfissat Ingerlatsiviup misissussagaa kissaatigineqarpoq.*

Tassunga oqaaseqaammut ima akissuteqartoqarpoq:

Illoqarfinni pinaveersaartitsineranut ataatsimiititalianut inatsisitigut tunngaviit tassaapput Peqqinnissaqarfiup aquneqarnera aqqissuussaanageralu pillugu inatsimmi §5. Tassani allassimavoq, Naalakkersuisut illoqarfini tamani pinaveersaartitsineranut ataatsimiititaliamik pilersitsissasut, najukkami peqqinnikkut iluaqutaasinnaasunik pinaveersaartitsinerinillu suliaqarnerit patajaallisarniarlugit. Pinaveersaartitsineranut ataatsimiititaliat inuttalersugaanerit sulinerallu pillugit Naalakkersuisut malittarisassanik erseqqinnerusunik aalajangersaassapput.

Malittarisassat taakku najukkani pinaveersaartitsineranut ataatsimiititaliat pillugit nalunaarummi 2001-imeersumi nassuiaatigineqarput. Tassani allassimavoq ataatsimiititaliani ilaasortat tassaassasut, napparsimmavimmit peqqinnissamik sulialik sinniisoq ataaseq, Kigutileriffimmit sinniisoq ataaseq, pinaveersaartitsineranut siunnersorti kiisalu meeqqat atuarfiannit aqutsisuniit, politiinit, isumaginninnermik ingerlatsivimmit aamma pinnerluuteqarsimasunik isumaginnittoqarfimmit ataaseq sinniisoq. Pinaveersaartitsineranut Ataatsimiititamit nammineq ilaasortamik akornannit siulittaasusaaq taassumalu tullissaa allatsissamillu toqqaasoqassaaq. Ataatsimiititaliap suleriaasissani nammineerluni aalajangersartassavaa. Ataatsimiititaq ikinnerpaamik qaammatit pingasukkaarlugit ataatsimiittassaaq. Pinaveersaartitsineranut ataatsimiititaliat immikkut pinaveersaartitsineq peqqinnerulersitsiniarnerlu pillugit ukiumoortumik iliuusissanik pilersaarusiortassapput.

Kommuneqarfik Sermersuumi pingasunik Pitsaaliuineranut Ataatsimiititanik pilersitsisoqarpoq. Nuummi ataaseq, Paamiuni ataaseq Tasiilamilu ataaseq. Ittoqqortoormiit Tasiilami Pitsaaliuineranut Ataatsimiititamut atavoq.



Siuliini nassuiaatigineqartutut naligiinnik ilaasortaqtartunik suliassaqtartit assigiinngitsut akornanni oqaloqatigiittarfiuvoq. Taamaattumik suliassaqtartit siulittaasutut atuuffeqartut illoqarfimmiit illoqarfimmut assigiinngitsuusarput. Kommuneqarfik Sermersuumi ataatsimiititanut pingasunut tamanut atuuttoq tassaavoq kommunimit allatseqartarneq. Meeqqanut Ilaqtariinnullu Ingerlatsivimmit taamatut atuuffeqarneq aalajangersimasumik tigummineqartarpoq, kommunimi illoqarfinni tamani pitsaaliuineranut siunnersortit Meeqqanut Ilaqtariinnullu Ingerlatsivimmi atorfeqarmata.

Taamaattumik Meeqqanut Ilaqtariinnullu Ataatsimiititamit Pitsaaliuineranut Ataatsimiititap iliuusissatut pilersaarusaani, ukiut tamaasa Kommunalbestyrelsimut nassiunneqartartumi, sularineqartartut takuneqarsinnaapput.

Tamatuma saniatigut ataatsimiititani ilaasortat, innuttaasut allat suliqaqtartullu allat attuumassuteqartut assigalugit, illoqarfinni ataasiakkaani Pitsaaliuineranut Ataatsimiititamut, pitsaaliuineranut aamma/imaluunniit peqqinnerulersitsinissamut tunngatillugu suliat pillugit aalajangersimasunik qulequtalinnik paasissutissanik pissarserusukkaangamik, ammasumik saaffiginnissinnaapput.

Nuummi Tasiilami Pitsaaliuineranut Ataatsimiititamit assigiimmik qaammatit pingasukkaarlugit ataatsimiittarput, taakkulu 2021-mut iliuusissatut pilersaarusioreerput.

Paamiuni Pitsaaliuineranut Ataatsimiititaaq 2021-mut iliuusissamut pilersaarusiornissamut suli periarfissaqarsimanngilaq. Taamaattorli Paamiuni ataatsimiititaaq siulliulluni suliniuteqarluartartuuvoq, qaammammut ataasiarluni ataatsimiittarpoq suliassaqtarfiillu assigiinngitsut akornanni tamani ajornartorsiutaasartut oqaluuserineqartarlutik.

Ingerlatsivimmit aningaasatigut sulisoqarnikkullu naliliinerit

Pisariaqanngilaq

Suliffeqarfimmut Kiffartuussivimmit aningaasatigut naliliineq

Pisariaqanngilaq

Inatsisitigut tunngavissaq allakkallu tunngaviusumik uppersaatitallit

- Najukkani pinaveersaartitsineranut ataatsimiisitaliat pillugit Namminersornerullutik Oqartussat nalunaarutaat nr. 18, 18. maj 2001-imeersoq
- Peqqinnissaqtarfiup aqunneqarnera, aqqissuussaana kiisalu peqqinnissamut tunngasutigut sullissisut aamma tarnip pissusaanik ilisimasallit pillugit Inatsisartut inatsisaat nr. 27, 18. november 2010-meersoq, § 5.

Ilanngussat

1. Nuummi Pitsaaliuineranut Ataatsimiititamut 2021-mut iliuusissatut pilersaarut
2. Tasiilami Pitsaaliuineranut Ataatsimiititaaq Iliuusissatut pilersaarut 2020

Punkt 2: Nuummi allaffissornikkut tunngavissap nutarternera

Beslutning

Ilisimatitsissut tusaatissatut tiguneqarpoq.

Bilag

Allaffissornermik tunngavissaq Nuuk pingajussaaneertumik nutartigaq maaji 2021

Nuummi allaffissornikkut tunngavissap nutarternera

Ilisimatitsissut

SagsID.: EMN-2021-13613

Meeqqanut Ilaqutariinnullu Ingerlatsivik - pisortaq Martha Lund Olsen / MLOL

Inassuteqaat

Meeqqanut Ilaqutariinnullu Ingerlatsiviup Meeqqanut Ilaqutariinnullu Ataatsimiititamat inassuteqaatigaa:

- ilisimatitsissut tusaatissatut tiguneqassasoq

Suliassamik saqqummiussineq

Meeqqanut Ilaqutariinnullu Ingerlatsivimmi Oqartussaaffeqarfik maaji 2021-mi aqqissuussaaneermik allannguivoq. Meeqqanut Ilaqutariinnullu Ingerlatsivimmi aqutsisut aalajangersimasunik suleqatigiiaaqannginnissaa kissaatigilermassuk aqqissuussaaneermik allanngui neq aallartissimavoq. Aqqissuussaaneq allanngortinneqanngikkallarmat suleqatigiiaat sisamaasimapput; Nalunaarutiginninnermik suliallit, Misissuisoqatigiit, Ilaqutariinnik sullissisartoqatigiit kiisalu Angerlarsimaffiup avataanut inissinneqarsimasunut sullissisartoqatigiit. Aqqissuussaaneermik allannguinnikkut suleqatigiiaat taakku sisamat piujunnaarsinneqarput.

Maanna Nuummi Oqartussaaffeqarfimmi suleqatigiiaat marluupput: Team 1 aamma Team 2. Suleqatigiiaat marluusut tamarmik immikkut immikkoortotami aqutsisoqarlutillu suleqatigiinni aqutsisoqarput. Taakku suleqatigiiaat angajoqqaatut oqartussaassuillit inuttut normui malillugit avinneqarput, Team 1-ip 1-15-imi inuillit sullippaat, Team 2-p 16-31-mi inuillit sullillugit. Aqqissuussaaneermi allannguinerup siunertaraa, meeqqat tamarmik ilaqutariit ataatsip iluaniittut assigiimmik sullissisoqarnissaat, meeqqamullu suliap ingerlanera tamaat tassanga akisussaaffigineqarluni. Suleqatigiiaat tamarmik ataanni immikkoortut minnerit inissisimapput. Taakkunani immikkoortuni minnerni sullissisartut sulianik tigooraaneranni inuup normua aallaavigineqanngilaq. Suleqatigiiaannut marlunnut aqqissuussaaneq ima isikkoqarpoq:

Team 1: 1-15-imi inuillit

- Nalunaarutiginninnermik suliallit
- Isumaginninnermi sulialik
- Pinartoqartillugu immikkut suliniuteqartussat
- Tasiilami immikkut Isumaginninnikkut misissuisartut

Team 2 16-31-mi inuillit

- Meeqqanut innarluutilinnut sullissisartoqatigiit

Aqqissuussaaneermik allanngui neq ingerlatsivimmi suleriaatsit allanngorneri pequtaallutik aamma ingerlatsivimmi allaffissornikkut tunngavissap nutarternissaa pisariaqarnikuvoq. Allaffissornikkut tunngavissami oqartussaaffeqarfimmi suliat ingerlariaasaat suleriaasissallu nassuiarneqarput. Allaffissornikkut tunngavissap siunertaraa suliamik meeqqamut pitsaaneerpaamik sularineqarnissaa qulakkiissallugu. Saniatigut allaffissornikkut tunngavissami Get Organizedimik atuineramik ilitsersuutitaqarpoq. Get Organized tassaavoq Kommune-p sullissinnermut nalunaarsuiffia. Innuttaasunik sullissinnermi allagaatit tamarmik tassani nalunaarsorneqartarput.

Allaffissornikkut tunngavissaq sullissinerup imarisaanut immikkoortunut pingaarnernut arfineq marlunnut avinneqarsimavoq kiisalu Isumaginninnermi sulialik immikkut qulequtserneqarsimalluni.

- Nalunaarutininik suliaqarneq

- Isumaginninnermi sulialik
- Siunnersuineq
- Isumaginnikkut misissuineq
- Iliuusissatut pilersaarut innersuussisarnerlu
- Malitseqartitsineq

Ingerlatsivimmit aningaasatigut sulisoqarnikkullu naliliinerit
Ilanngussaqaqqangilaq.

Suliffeqarfimmut Kiffartuussivimmit aningaasatigut naliliineq
Pisariaqaqqangilaq.

Inatsisitigut tunngavissaq allakkallu tunngaviumik uppersaatitalit

- Meeqqat tapersorsorneqarnissaanut Inatsisartut inatsisaat nr. 20, 26. juuni 2017-imeersoq.

Ilanngussat

1. Allaffissornermik tunngavissaq Nuuk pingajussaaneertumik nutartigaq maaji 2021

Punkt 3: Tasiilami Pitsaaliuinermik Ataatsimiititamut 2021-mi iliuusissatut pilersaarut

Beslutning

Ilisimatitsissut tusaatissatut tiguneqarpoq suliarlu Aningaasaqarnermut Inuussutissarsiornermullu Ataatsimiititaliamut aammalu Kommunalnbetyrelsimut ilisimatitsissutitut ingerlateqqinneqarluni.

Bilag

Tasiilami Pitsaaliuinermut Ataatsimiititamut 2021-mut iliuusissatut pilersaarusiaq



Tasiilami Pitsaaliuinermit Ataatsimiititamut 2021-mi iliuusissatut pilersaarut

Ilisimatitsissut

SagsID.: EMN-2021-13837

Meeqqanut Ilaqutariinnullu Ingerlatsivik - pisortaq Martha Lund Olsen / MLOL

Inassuteqaat

Meeqqanut Ilaqutariinnullu Ingerlatsiviup Meeqqanut Ilaqutariinnullu Ataatsimiititamut inassuteqaatigaa:

- Tasiilami Pitsaaliuinermit Ataatsimiititamut 2021-mi iliuusissatut pilersaarut tusaatissatut tiguneqassasoq
- suliaq Aningaasaqarnermut Inuussutissarsiornermullu Ataatsimiititamut kiisalu Kommunalbestyrelsimut ilisimatitsissutitut ingerlateqqinneqassasoq

Suliassamik saqqummiussineq

Najukkani pinaveersaartitsinermit ataatsimiisitaliat pillugit Namminersornerullutik Oqartussat nalunaarutaat nr. 18, 18. maj 2001-imeersumi § 3-p malitsigisaanik, Tasiilami Pitsaaliuinermit Ataatsimiititaq ukiumoortumik pitsaaliuineq aamma peqqissutsip siuarsarnissaanik sulineq pillugit iliuusissanik pilersaarusiortassaaq.

Nalunaarut malillugu Tasiilami Pitsaaliuinermit Ataatsimiititap ilaasortarai:

- Napparsimmavimmit/peqqissaavimmit peqqinnissamik sulialik ataaseq
- Kigutileriffimmit peqqinnissamik sulialik ataaseq
- Illoqarfimmi pinaveersaartitsinermit siunnersorti (kommunimi sulisoq)
- Meeqqat aturfiani aqutsisunit sinniisoq ataaseq
- Politiini aqutsisunit sinniisuuneq ataaseq
- Kommunimi isumaginninnermik ingerlatsivimmi aqutsisunit ataaseq
- Pinerluuteqarsimasunik isumaginnittoqarfimmi aqutsisunit sinniisoq ataaseq

Pitsaaliuinermit Ataatsimiititaq ukiumut sisamariarluni kvartalikkuaartumik ataatsimiittarpoq ima agguataarlugit: marsi, juuni, septembari aamma decembari.

Tasiilami Pitsaaliuinermit Ataatsimiititaliamit peqqinnerulersitsinissamik pitsaaliuinissamillu suliaqarnermik ataqatigiissaarisutut atuuffeqarpoq. Ilaasortat suliassaqaqarfimmini susoqarnermoq imminnut ilisimatitsissutigisarpaat. Inuuneritta III-mi suliassat atuutilersinneqartussat allassimasut saniatigut ukiut tamaasa Pitsaaliuinermit Ataatsimiititap suliassaqaqarfiata iluanni immikkut pingaarnerusumik sammineqartussanik toqqaasoqartarpoq.

2021-mi Inuuneritta III tunngavigalugu meeqqat inuunerissuunissaannut atatillugu siunnerfiit sisamat sammineqartussatut pingaartinneqassapput:

- Tarnikkut peqqissuuneq
- Inuunermit peqqissumik aallartitsineq
- Peqqissumik meeraaneq susassaqaqarfiulluarterlu
- Peroriartornermi pitsaasunik atugaqarnissaq



2021-mi immikkut pingaartinneqartoq tassaavoq kinguaassiutitigut peqqissuuneq.

Immikkut pingaarnerutillugit sammineqartussat ima piviusunnigortinneqassapput:

- Pinaveersaartitsinerup ullua
- Inuusuttut atoqatigiittarnerat (sex)
- Sap. ak. 18
- Nunarsuaq tamakkerlu imminut toqunnissamut pinaveersaartitsinermut ullorititaq
- Nunarsuaq tamakkerlu tuberkulosimut ullorititaq
- Kinguaassiutitigut peqqissuuneq kiisalu nerisaqarneq timigissarnerlu pillugit atuartitsineq
- Atornerluisarnermik katsorsartinnissamut neqeroorut/neqerooruteqartitsineq
- Annertusisamik pingaarnerutillugu sammisassaq: Siusissumi iliuuseqartarneq, sulianik assigiinngitsunik assigiinngitsullu akornanni suleqatigiinneq, assigiinngitsut akornanni sammisaqartitsinermut ataqatigiissaarineq aamma suliniutinik nalilersuinerit

Ingerlatsivimmit aningaasatigut sulisoqarnikkullu naliliinerit

Pisariaqanngilaq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaartitalit

- Najukkani pinaveersaartitsinermut ataatsimiisitaliat pillugit Namminersornerullutik Oqartussat nalunaarutaat nr. 18, 18. maj 2001- imeersoq
- Peqqinnissaqarfiup aqunneqarnera, aaqqissuussaana kiisalu peqqinnissamut tunngasutigut sullissisut aamma tarnip pissusaanik ilisimasallit pillugit Inatsisartut inatsisaat nr. 27, 18. november 2010-meersoq, § 5.

Ilanngussat

1. Tasiilami Pitsaaliuinerimut Ataatsimiititamut 2021-mut iliuusissatut pilersaarussiaq

Punkt 4: Nuummi inuusuttut pinerluttartut pillugit suliniutit iliusissallu allattorsimaffiat

Beslutning

Ilisimatitsissut tusaatissatut tiguneqarpoq suliarlu Aningaasaqarnermut Inuusutissarsiornermullu Ataatsimiititaliamut aammalu Kommunalnbetyrelsimut ilisimatitsissutitut ingerlateqqinneqarluni.

Bilag

“Nuummi inuusuttut pinerluuteqartarnerat - suliniutissatut iliusissatullu periarfissat”



Nuummi inuusuttut pinerluttartut pillugit suliniutit iliuusissallu allattorsimaffiat

Ilisimatitsissut

SagsID.: EMN-2021-13700

Meeqqanut Ilaqutariinnullu Ingerlatsivik – pisortaq Martha Lund Olsen / MLOL

Inassuteqaat

Meeqqanut Ilaqutariinnullu Ingerlatsiviup Meeqqanut Ilaqutariinnullu Ataatsimiititamat inassuteqaatigaa:

- ilisimatitsissut tusaatissatut tiguneqassasoq
- suliaq Aningaasaqarnermut Inuussutissarsiornermullu Ataatsimiititamat kiisalu Kommunalbestyrelsimut ilisimatitsissutitut ingerlateqqinneqassasoq

Suliassamik saqqummiussineq

Nuummi inuusuttut amerliartuinnartut pinerluttarnerat tunuliaqutaralugu, Kommuneqarfik Sermersooq Meeqqanut Ilaqutariinnullu Ingerlatsivik suliamik aallartitsisoralugu suleqatigiissitamik suliassaqarfinit assigiinngitsunit peqataatitaqartumik upernaakkut 2021-mi pilersitsivoq. Suleqatigiissitap suliassaraa inuusuttut pinerluuteqartarnerat pillugu suliassaqarfiit assigiinngitsut qanoq iliorluni pinaveersaartitsisoqarsinnaaneranut ajornartorsiutinullu aaqqiissutissanik nassaarniarnissaat. Suleqatigiissitami ilaasortaapput kommunimi sulianik ingerlatsisut attuumassuteqartut, Kalaallit Nunaanni Politiit, inuiaqatigiinni suliaqartut aamma inuussutissarsiortut sinniisuutitaat.

Suliassaqarfinit assigiinngitsunit suleqatigiissitaaq immikkut aallussassanik pingaarutilinnik marlunnik suliaqarpoq, tassaasut:

- Najukkami suliniutit (Nuussuaq immikkut isiginiarlugu)
- Aqqusinerni suliniutit

Suliassaqarfinit assigiinngitsunit suleqatigiissitamit aaqqiissutissatut periarfissatullu saqqummiunneqartut, innersuussutitut "suliniutit iliuusissallu allattorsimaffiat" allaaserineqarput.

Suliniutit iliuusissallu allattorsimaffianni siunnersuutigineqarpoq aallarnissaanerit suliniutillu tulliuuttut aallartinneqaqqullugit:

- Meeqqanut inuusuttunullu ornittakkamik aammaarluni pilersitsisoqaqqullugu, tamatumuuna Nuussuarmi namminerimi.
- Angallannermi periarfissat pitsaannerusut, matumani pingaartillugu bussinik ingerlatsineq isiginiarneqassaaq.
- Nalinginnaasumik Nuussuup illoqarfiup immikkoortuatut pitsanngorsarneqarnera, illoqarfimmik pilersaarusiorneq pingaartillugu ukkatarineqassaaq aamma tamaani inuussutissarsiornermik ingerlatsisut.
- Silami illullu iluani sunngiffimmi sammisassaqaqtitsivinnik pilersitsineq.
- Nuussuarmi meeqqanut inuusuttunullu ammasumik siunnersuinerimik aallartitsineq.
- Toqqissisimanissaq pillugu angalaaqatigiittartunik aaqqissuussatut aalajangersimasutut pilersitsineq, aalajangersimasunik aningaasalersorneqartunik.



- Inuusuttunut siunnersuisut aqqusinermi ujartuullutik angalaartartut pitsaanerusemik akissarsiaqartinneqarnerat.
- Meeqqanut silami sammisaqarfissanik pilersitsineq.

Ingerlatsivimmit aningaasatigut sulisoqarnikkullu naliliinerit

Qulaani aallarnisaaniarnerit piviusunnngortinneqassappata ingerlatsiviit arlallit peqataatinneqarnerat pisariaqarpoq, tamanna ilaatigut aningaasaqarnermik pilersarusiornermut sunniuteqassaaq soorlu illoqarfimmik pilersarusiornermut aamma bussinik ingerlatsinermit atasumik Sanarfinermit Avatangiisinullu Ingerlatsivimmut, inuussutissarsiortunut sammisat pillugit "Sermersuumi Inuussutissarsiortunermit immikkoortortap" peqataatinneqarnera, aamma sunngiffimmi sammisassaqaqtitsivinnut tunngasumik Meeqqanut Atuarfeqarnermullu Ingerlatsivik/Peqqinneq Sunngiffillu.

Meeqqanut Ilaqutariinnullu Ingerlatsivik maannangaq Nuussuarmi ornittakkamut nutaamut 2022-mi missingersuutini ilanngussisoqarnissaanik qinnuteqareerpoq, aamma Toqqissisimanissaq pillugu angalaaqatigiittartunut aningaasaliissutissanik aalajangersimasunik qinnuteqaateqarpoq, 2021-mut missingersuutit TB 2-mik nutarterneqarnerannut atasumik.

Nunarsuarmioqatigiit anguniagaasa ilaat, Kommuneqarfik Sermersuumit malinneqarumasooq tassaavoq nunarsuarmioqatigiit anguniagaat 17 "Iliuuseqarnissamat suleqatigiinneq".

Tunngaviatigut tamanna isumaqarpoq suliasaqarfiit assigiinngitsut ingerlatsiviit oqartussaaffeqarfillu akimorlugit suleqatigiinnerat, taakkua innuttaasunut sullissinertut tunniussinermit ajornartorsiutinut aaqqiissutaasussanut ilaassapput.

Suliffeqarfimmu Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaaitallit

- o Meeqqat Ilaqutariillu inuuniarnermikkut ajornartorsiuteqartut pillugit politikki 2020-2024

Ilanngussat

1. "Nuummi inuusuttut pinerluuteqartarnerat - suliniutissatut iliuusissatullu periarfissat"

Punkt 5: Lukket

Punkt 6: Lukket

Punkt 7: Lukket

Punkt 8: Lukket

Punkt 9: Lukket

Punkt .: Taasariaqartut allat

Beslutning

Punkt .: Imaqarniliap akuerineqarnera

Beslutning

Imaqarniliaq akuerineqarpoq nal. 15:04